

八瓊室金石補正

八瓊室金石補正卷一百十二

太倉陸增祥撰

男

繼輝校錄

吳興劉承幹覆校

宋三十一

金城村功德院記

高一尺廣一尺二寸廿一行行  
十二字字徑五分正書在河內

懷州河內縣西金□村□修

功德院記

本村六班奉職張漸

西班牙底尙友直 稅

戶□最張盛各發虔懇爲維那首於庚戌歲三月念二  
日建此 功德院一所越有本村稅戶張□慈見社婆

神左是碑 聖像日陽暴露風雨摧剝因覩此院西南隅隙地一方特舉願心自備瓦木修斯碑亭功畢遂遷于茲以爲 功德未圓更與衛最弟彥各捨淨財同募石工補完舊像 工曰 尊容殘缺難施工巧於是回裏作表別刊是像一切 聖賢粲然俱新相好端嚴 慈容若動可謂良工者哉伏願脩此 功德之後遐邇老幼永保康甯一切時中 諸佛協賀龍華□□□願相逢是年六月辛□□□庚寅日了畢

右刻在孫文才造像碑陰文云是碑聖像卽孫文才所造也又云回裏作表別刊是像知記文上方

亦有佛像打碑者恒不拓之衛最名見宋全施石  
床記知庚戌爲建炎四年高宗本紀是年六月辛  
未朔知庚寅爲二十日

獅子巖題刻六段

華在江

宋舜元題名

高二尺廣一尺五寸五分五行  
行七字字徑二寸五分正書

歷山宋舜元被

郡檄來權邑事暇

日率三衛唐作求

同遊時建炎庚戌中秋後二日

右宋舜元題名筆意學蘇省府志皆不載近邑令  
劉華邦修邑志僅於山川內附載詩文不登題名  
諸刻世無有知之者庚午夏屬友搜拓而錄之宋

舜元權邑宰志所不載並不見其名不知其本職  
何官也唐作求亦無攷當是邑僚庚戌爲建炎四年

游何題名

高一尺三寸五分廣一尺九寸四分  
九行行八字字徑二寸分書左行

僕嘗讀唐元次山集而獨不載獅子嵒然士大夫稱之  
此來往跡其處攷其期開歲月乃主僧慧日之先師合  
上人熙甯中作也惜乎溼潤不容借榻一覺有此餘恨  
紹興乙丑夏游何蕭卿

右游何題名省府志均失載乙丑爲紹興十五年  
志載獅子巖不詳其期開之人名歲月得此刻知

自熙甯閒合上人始故輯志乘者貴掇金石焉塌  
當是榻之借字

何麒詩

高三尺五寸廣二尺詩七行行十八字款三行行十五字字徑寸許行書額題師子品詩

四字字長徑三寸六分篆書

師子品詩

旦爲陽華遊軒豁諧素志那知此嵌嵒近在回翔地石  
如狡猊狀蹲伏呀可畏雖無囁呻威尙使百獸避漫郎  
嗜泉石足跡靡不至是巖端見遺定自求其倫澹嵒冠  
湘中瓊瑋傳萬耳此郎斬一言亦以山無水骨多欠榮  
血草木咸枯悴其誰喜冥搜韻語發天祕石門何晃蕩

坐久三歎喟徑欲挽銀潢淙淙滿人意

金華隱居何麒以紹興戊辰十二月三日同襄

邑許顥廣川劉思永盱江劉穀

淮海張擴來遊

壻汪瞻子洪偕從

右篆額四字詩款行書十行磨刻極工前人罕有搜  
及者審石

右何麒詩刻湖南通志失載何麒嘗撰道州學記  
紹興廿五年立石蓋卽其人惜碑已佚無從攷證  
疑亦謫宦於永者許顥係永州判官見太平寺鍾  
銘得此刻又知其爲襄邑人劉思永係江華令見

職官志而不詳其爲廣川人皆可據補劉敦張擴  
疑是邑僚而其名不見於官志

程逖題名

高一尺一寸四分廣一尺九寸五分六行  
行六字字徑二寸許分書跋六行行十字

字徑七分  
許正書

蓬澤程逖季行畢事游獅子巖縣令南陽安珪

尉伊川

程蓋同來紹興乙亥歲十月二十六日

府判朝議程公按行下邑因暇率令尉同遊獅子巖

觀覽移時

公乃親筆留題以紀歲月

鐫刻於石傳之不朽江華

縣令安珪謹跋并立石

右刻八分書六行正書跋六行前人未見

金石審

右程逖題名通志失載攷證見陽華巖跋

重刻蔣之奇銘

高三尺五寸五分廣二尺上截六行  
行十三字字徑一寸六分分書下截  
十一行行六字字徑寸許行書

橫額四字長徑四寸古文篆書

奇獸巖

錢

爲之作銘曰

奇獸巖俗曰獅子在江華邑南二里蔣之奇穎叔遇而愛之

息於此斯礪之著自墮而始勒銘石壁將告徠

衷

治癸丁未同沈公儀遊

以上上  
載分書

惟 蒋穎叔文高節奇正名茲嚴作爲銘詩彼何人斯  
大字覆之來遊來嗟其孰與稽端平丙申邑令張壑思  
永厥傳刻此崖際俾冰壺孫李焯古隸凡百君子愛而  
勿替

右刻怪偉完好額用籀文銘用古隸額後銘亦雅稱  
與蔣李可名三絕李冰壺名長庚本甯遠人而居江  
華者長庚三子皆有名焯事無可攷 案竒作錡  
本古老子而偏旁作𠂇微不同譽亦古老子獸  
字而此加大說文嚴字古文作𢙴此額文小異假  
借作𡇗銘古文𠂇此作𠂇亦小變獸古文下从

凡此銘作獸正合其偏旁作兽者本無極山碑異作  
**獣**本楊著碑礮說文收石部所作 所 本孔羨碑

至作 **又** 本周公禮殿記始字省筆應作台後變台  
爲呂本戚伯著碑許氏謂或說裁古垂字此我从土  
殊得古意惟見之督郵斑碑洪氏識爲我字公上八  
作大本說文亦有變四筆者非公字所从也

金石  
審

右蔣之奇銘作於治平四年公儀者沈紳也端平  
三年張壑刻之通志未見拓本分爲兩種并誤壑  
爲壑山川內載此文穎叔誤作永叔銘曰上無作  
字節誤作絕令作宰壑亦誤作壑焯誤作悼永志

既錄全文於前而仍列奇獸巖續銘於後殊非其所錄額字巖誤作巖下脫分書奇獸巖三字并誤銘詞內奇字爲鐫丙申爲丙戌又省府志職官載張巖爲江華令皆誤作叡宜一一校正之又永志名勝內載此穎作永愛之上無過而二字銘曰上無作字之巖作名巖壞恠詭異作巖懷怪異次山作遊此昔所作潛而之著作幽著石作在彼作往來遊來嗟作後來遊者令作宰巖作叡焯作悼要當以石刻爲正

黃嘉父等題名

高

行行七字字徑

廣

正書

九疑黃嘉父贊皇李景魏已亥登高

右黃嘉父等題名書已亥不書建元玩其筆意決  
非宋以後物附宋末黃嘉父李景魏無攷

案通志引一統志云獅子巖在縣南五里舊名奇  
獸巖永志云縣南二里暖谷之東有巖舊名奇獸  
以巖口有伏石狀如狻猊故名今一統志曰獅子

巖

顯甯廟賜額牒碑

高五尺二寸廣二尺八寸共十三行行字大小字數  
均不一篆額三行題越州顯甯廟碑六字在山陰臥

龍山城

尚書省牒 越州顯甯廟

正書字  
徑三寸

太

常寺狀准尚書省劄字三省同奉

聖旨駐蹕會稽今已逾歲妖祲不作行殿載甯越

州城隍廟崇福侯可特賜額封公並令太常寺擬定申尚書省本寺依准今降

聖

旨指揮擬定廟額今欲擬顯寧廟爲額伏乞

朝廷詳酌指揮施行申聞

正書三行  
字徑五分

牒奉

勅宜賜顯寧廟爲額牒至准

勅故牒

勅牒字大草書餘正書字徑四五寸紹興元年五月

當書日牒

正書

字徑

參知政事張押尙書右僕射同中書門下平章

事押

正書字  
徑四付

二行全漏

惟弟一

攝本府助教兼贊福主管廟事胡永宗

承信郎□□衢州指使馮紳拾石

會稽陳師堂刻

文後參知政事張者張守也尙書右僕射同中書門下平章事者范宗尹也錢辛楣少詹云自元豐官制行而平章參知之名久廢南渡初詔尙書左右僕射

改帶同中書門下平章事改門下中書侍郎爲參知政事而宰輔之名又一變矣

兩浙金石志

按僕射范宗尹不書姓周益公二老堂雜誌謂祖宗朝官至僕射勅後乃不書姓也陸放翁老學菴筆記云自唐至本朝中書門下出勅勅字皆平正渾厚元豐後勅出尙書省亦然蔡京臨平寺額作險勁體來長而力短省吏始效之謂司空勅亦曰蔡京勅今按此與武佑昭祐三牒正其體也

越中金石志

### 靈泉寺新殿記

高六尺九寸廣六尺六寸廿四行  
廿五字字徑二寸五分正書在馬平

新殿記

北嶽王安中撰并書

在標題下

元祐三年始以柳州靈泉寺爲十方崇甯中改曰天甯

萬壽禪寺

柳治水北幾五百年靈泉在水南立箕山

趾寺蔽於僊奕之腋

唐刺史柳侯記二山水石洞穴龜

鳥草木最詳寺獨不錄又不得

例大雲見於宅文問之

父老昔蓋陋甚自變律爲禪乃始大作

門堂樓殿欲以

冠冕南方未訖者十一建

炎初住持僧覺昕見初寮

道人王安中於象郡且求記卽應之曰昕嘗從貞如慕

結游京師居法雲慧林智海諸禪能鬢鬚乎

吾將觀

焉後六年果至柳而殿適成先是丞相儀真吳公登後

山面立魚

而

笑有得於華亭離釣三寸之意昕爲作釣

軒山上安中從公與丞相新安汪公憑軒俯見殿宇而

壯之以爲廣右第一嗚呼佛法出西域而盛於東

口

禪

學出

嶺

南而盛於中州今西域浮圖氏至中國者無復

鵬

蘭

達磨之流

口

而嶺南禪者益少塔廟荒蕪柳距京

師六千里獨能於空山野

水之間興此偉傑勝麗之

觀移人心目忘其去國之遠撞鐘出迎四方來棲之士

指以千計是則希有夫道法廢興雖若有數而願力之

至爲無不成道豈遠人乎哉因大書其榜曰能仁之殿

而說偈言

南山古佛家靈泉紺殿飛出玻瓈天雙龍戲珠扶屋椽  
上有碧井垂青蓮王城梵宮墮目前祥光夜燭祥柯川  
樓鐘橫撞震大千僧行轂奕鶴駕翻石龜立舞雷鼓聞  
我來時從兩貂蟬父老驚嘆相後先號佛稽首願力堅  
泰一下趣義和鞭往迎兩宮日馭旋百神呵護敢不虔  
盡嶺南北際海壩天河洗兵人晏眠摧伏颺母掃瘴煙  
普雨萬國常豐年

紹興二年四月十七日住持淨悟大師覺昕立石  
案宋史王安中字履道中山陽曲人知燕山府遼降

將郭藥師同知府事藥師跋扈府事皆專行安中不能制第曲意奉之藥師叛命罷爲觀文殿大學士累貶單州團練副使象州安置高宗卽位內徙道州紹興初復左中大夫是記言建炎初覺昕見安中於象郡又云後六年至柳是紹興二年安中尙未去粵史所載未信

廣西通志  
略  
金石略

碑云靈泉在水南□立魚山趾寺蔽於僊奕之腋又云僊者輒奕鶴駕翩石魚山立雷鼓鬪桉明統志僊奕山在府城南山上有穴穴有屏有室有字始登者得石杵於上黑肌而赤脈十有八道可奕

因名石魚山在府城西南山小而高形如立魚駕  
鶴山在府城東南旁臨大江聳立如鶴形古州治  
負此所謂水北水南者當卽柳江一名潯水碑於  
建炎建下野水野下俱空一格鐫刻時石已剝泐  
也廣西通志所載有闕譌書法逼肖坡翁近之言  
宋碑者輒曰蘇黃米蔡如此碑者亦復棄置皆耳  
食之言也

岳武穆忠義碑

高七尺一寸廣三尺十五行行十五字字徑寸許額  
題宋武穆岳公忠義碑俱正書下截唐跋在祁陽

題祁陽大營驛

權湖南帥岳飛被旨討賊曹成自桂嶺平蕩巢穴二廣

湖湘悉皆安妥痛念二聖遠涉沙漠天下靡甯誓竭忠

孝賴社

稷威靈君相賢聖他日掃清胡虜復歸故國迎

兩宮還朝寬

天子宵旰之憂此所志也

顧蜂蟻之羣豈

足爲功過此因

留于壁】興二年七月初七日

附題廣德金沙寺壁

余駐大兵宜興沿途幹王

事過此陪

僧僚謁金仙徘徊

暫憇遂擁鐵

騎千餘長驅而往俟立奇功殄醜虜復

三中國安強他日過此得勒金石

關迎二聖使宋朝再振

振中國安強他日過此得勒金石

不勝快哉建

炎四年

四月十二

日河朔岳飛題

書岳將口題大營驛後

莊子以子之於父爲命之不可解以臣之於君爲義之無所逃意若以君臣爲強合子嘗疑其不然觀岳侯所題大營驛壁其處心積慮未嘗壹日不在於復中原迎二帝眷眷然若赤子於慈母然此豈無而爲之其亦有不可解者乎侯之言曰君臣大倫根於天性此侯之所以自狀而吾之所謂異乎莊生邪彼高宗者乃忍於忘父臣虧其獨何心且已既已忍於忘父矣有臣焉爲之急於其父如侯者而亦竟殺之亦獨何心嗚呼綱常萬古事也其磨滅與不磨滅

只在此心之死與不死而已高宗之心之死久矣  
宜俟之竟以身而中原卒不可復帝卒不可還  
大營驛故在永州侯所題字久而湮沒余父爲是  
州乃勒之石而并侯所題廣德金沙寺者勒之蓋侯  
之心尚炯乎在宇宙間未死也固不繫乎石之勒與  
不勒雖然使忠臣孝子英雄之士過而讀焉其將有  
慷慨泣下沾襟而繼之以怒髮衝冠者乎武進唐順  
之書

大明嘉靖癸卯夏六月吉□□州武進唐瑤同知魯  
承恩通判周子恭唐士忠推官彭澄祁陽知縣鄭聰

立 □工典史朱魁

祁陽縣北五十里有大營寺卽古大營驛爲宋岳鄂王駐軍題壁處吾鄉明唐荆川先生之父守永州日曾以王所題記及廣德金沙寺記共勒一碑後荆川先生爲之記歲久文字殘缺近人重刻一碑於左今兩碑並存寺中案其文題建炎二年七月建炎誤作

紹興古泉山館  
金石文編

案宋史高宗本紀紹興元年十一月曹成執安撫使向子諲進攻道州十二年陷道州向子諲棄城走二年正月曹成釋向子諲又犯郴州永興縣二月命岳

飛率馬友李宏韓京吳錫等共討曹成諸盜三月曹成寇賀州清水砦四月陷賀州閏月丙申岳飛擊破曹成於賀州丙午岳飛敗曹成於桂嶺縣成走連州遣統制張憲追擊破之又走郴州入邵州六月詔岳飛屯駐江州此大營寺題壁正奏捷班師時作也岳飛本傳二年賊曹成擁衆十餘萬由江西歷湖湘據道賀二州命飛權知潭州兼權荆湖東路安撫都總管付金字牌黃旗招成成聞飛將至驚遁飛招之不從飛入賀州境得成謀者示糧盡欲反茶陵謀歸成來追飛潛趨繞嶺至太平場破其砦成走據北藏嶺

上梧關飛奪二隘據之成又自桂嶺置砦連控隘道  
以衆十餘萬守蓬頭嶺飛部才八千登嶺破其衆成  
奔連州令張憲自賀連徐慶自邵道王貴自郴桂招  
降二萬會連州進兵追成成走宣撫司降嶺表平授  
武安軍承宣使屯江州此書權湖南帥則尙承舊銜  
以新命未到也金陀編岳忠武年譜紹興二年壬子  
三十歲權荆湖東路安撫都總管討曹成嶺表悉平  
又攷文集收捕奏捷諸狀知其先由衡郴桂陽永興  
取道前往道州迫入賀州桂嶺則歸程始過祁陽進  
兵並未徑由此地今土俗稱屯兵於此遺將往平俱

齊東野語不足信矣今永州所在建有忠武廟當日威德所被一郡同受其澤而甯遠永明道州江華零陵祁陽無不爲公足迹所至故備書其事蹟俾後之人有所攷焉荆川父子誤以紹興爲建炎瞿本夫誤信之遂反以縣志爲誤是亟宜改正另刻者也

永州府志

瞿氏云文題建炎二年七月縣志誤作紹興宗氏云建炎當改紹興係明永州守唐璣誤刻以拓本審之紀年上一字磨滅淨盡下一字雖半泐確是興而非炎兩家均誤何邪乾隆閒重刻作紹聖更誤

誤

戒石銘

高五尺七十廣二尺九寸四截上截額文銘六行行  
四字字徑二寸餘次御跋十二行行八九字字徑一  
寸五分又押記一行均行書下截記廿七行行十五  
字字徑四分正書篆額題太宗皇帝御製六字在道  
州又梧州亦有此碑

御製戒石銘

爾俸爾祿民膏民脂

下民易虐上天難欺

近得黃庭堅所書

太宗皇帝御製戒石銘恭昧

旨意是使民于今不厭宋德也因思朕異時所慮郡縣  
其戒石多置櫺檻植以草花爲守爲令者鮮有知戒石

之所謂也可令摹勒庭堅所書頒降天下非惟刻諸庭  
石且令置之座右爲晨夕之念豈曰小補之哉

伍

臣等竊惟

太祖皇帝武定天下而

太宗皇帝文以撫之是時五代之餘遺民赤子新去湯  
火哀矜授綏寄在守令乃發

大訓垂諸庭石如

雲漢在天爲光昭回其施在下則爲露爲雨民涵  
斯澤豈其有極而吏更歲久或不知誦斯文矣

皇帝撥亂愛民規憲

祖宗乃六月癸巳

詔以黃庭堅所書刻之石將以□本

賜天下使日見而知戒焉嗚呼此

盛德大業之本豈特讀正觀政要而太息哉臣等材驚不足以佐

萬分而知贊且願蓋不獨郡邑之吏洗然於

茲賜也謹昧死書于左方紹興二年七月癸酉端明殿

學士左朝議大夫簽書樞密院事權參知政事臣權邦

彥左通議大夫參知政事福建江南西路荆湖南北路

宣撫使臣孟庚左通奉大夫守尚書右僕射同中書門

下平章事兼知樞密院事臣秦檜特進尚書左僕射同  
中書門下平章事兼知樞密院事都督江淮荆浙諸軍  
事臣呂頤浩謹題

爾俸爾祿民膏民脂下民易虐上天難欺太宗皇帝  
書此以賜郡國立於廳事之南謂之戒石銘案成都  
人景煥有野人閒話一書乾德三年所作其首篇頒  
令箴載蜀王孟景爲文頒諸邑云朕念赤子旰食宵  
衣言之令長撫養惠綏政存三異道在七絲驅雞爲  
理留犧爲規寬猛得所風俗可移無令侵削無使瘡  
痍下民易虐上天難欺賦興是切軍國是資朕之賞

罰固不踰時爾俸爾祿民膏民脂爲民父母莫不仁慈勉爾爲戒體朕深思凡二十四句景區區愛民之心在五季諸僭僞之君爲可稱也但語言皆不工唯經表出者辭簡理盡遂成王言蓋詩家所謂脫胎換骨法也

容齋隨筆

右碑在梧州府解分四層一層篆額二層銘詞三層高宗諭四層權邦彥等跋叢載云戒石銘在橫州甬道黃庭堅書金志云舊覆以亭明嘉靖癸巳知州曹儲撤亭移置座右今橫無此碑而梧有之字畫完好疑爲翻刻然筆勢猶鬚未失真也

廣西通志  
金石略

右宋太宗戒石銘黃山谷書紹興二年七月勒石已  
巳四月于役道州於州治堂側羈候所壁間訪得之  
亟命工拓其文攷洪容齋續筆據野人聞話謂蜀王  
孟景爲令箴頒諸邑共二十四句宋太宗摘其四句  
書賜郡國謂之戒石銘亦見孫奕示兒編又元吳郡  
徐元瑞吏學指南中亦載此銘云漢唐以來未嘗有  
之五代時蜀主孟景始頒令箴於諸邑其文云云凡  
二十四句宋太宗刪繁取簡摘其二聯頒行天下至  
高宗紹興間復以黃庭堅所書命州縣長吏刻石座  
右至今官府存焉以兩書證之正與此合惟山谷書

既稱御製高宗跋亦稱御製絕不言四語之所本蓋  
不欲取法於蜀景故諱言之耳竊歎此銘旣徧令郡  
國立石高宗又以山谷書頒降天下刻石訖今道州  
之外僅粵西梧州府麻尙存此刻可見金石留傳之  
難今世州縣堂前牌坊上往往書此十六字罕有知  
其出處者矣碑之下截有紹興二年七月權邦彥等  
記中云皇帝撥亂愛民規撫祖宗乃六月癸巳詔以  
黃庭堅所書刻之石云云蓋紹興元年六月下詔至  
二年七月始勒石然宋史本紀皆失載此事以紀傳  
宰輔表攷之秦檜於紹興元年八月自參知政事授

通奉大夫守右僕射同中書門下平章事兼知樞密  
院事九月呂頤浩再相拜少保尙書左僕射同中書  
門下平章事兼知樞密院事與秦檜同秉政檜謀奪  
其柄建言二相宜分治內外乃於二年四月除頤浩  
都督江淮荆浙諸軍事開府鎮江與石刻題銜正合  
惟表及頤浩傳稱少保而此云特進自當以碑爲正  
孟庾以紹興元年十月除參知政事十一月爲福建  
江西荆湖宣撫司權邦彥以紹興二年五月自左朝  
議大夫兵部尙書遷端明殿學士除簽書樞密院事  
六月兼權參知政事史言兼權碑但稱權亦當以碑

爲正文攷建炎四年合江東西爲江南路紹興初復分東西碑所云江南西路者乃江洪筠袁虔吉州興國南康南安軍也又紹興元年正月荆湖分東西二路東路於郢州置安撫使西路於鼎州置安撫使二年二月復荆湖東西路爲荆湖南北路安撫使於南路治潭州北路治郢州至宣撫使一官不常置以二府大臣充故孟庾以參知政事出爲此官是時建安范汝爲反又賊曹成劉忠等作亂荆湖間朝廷以韓世忠副孟庾於潭州皆降斬之湖南乃平此立碑時也其題銜朝議通議通奉上皆有左字紹興元年

十二月詔舉行元祐之法官階繫銜復分左右至淳熙始去之碑刻正在下詔之後故皆加左字文中貞觀作正觀避仁宗諱也

古泉山館  
金石文編

碑無立石年月桺鄭忠肅公集紹興壬子夏六月頒諸郡縣鐫之石本守令僚屬觸目警心求爲良吏則碑以紹興二年刻也當時州縣各有一石道州此碑乃嘉慶初沈令道寬訪出立於吏目署

筠清館  
金石記

核凡書官職自卑而尊此公牒之式石刻多有之是題銜名乃呂頤浩爲首秦檜次之孟庾權邦彥又次之通志稱權邦彥等未審其例

金石續編

湖南通志誤三字梧州本碑尾有上石題字二行  
曼患已極僅辨管內勸農事借紫壽摹勒上石十  
二字蓋爾時之官於梧者而姓名僅存一壽字矣  
粵西金石略作紹興三年誤史高宗本紀紹興二  
年六月甲寅召頤浩入朝以孟庾同都督江湖荆  
浙諸軍事此題記在七月而孟庾署銜尙稱福建  
江西路荆湖宣撫司與史不合又攷山谷年譜  
文節書此時爲元豐五年在吉州太和注云郡縣  
戒石自唐以來有之但只有石無文公任太和摘  
孟昶文內爾俸爾祿四語鐫以自警後高宗中興

恨不同時宸奎天縱摹其筆法勒石垂戒頒佈天下世遂欽爲山谷戒石銘云見宋史及周益國公記據碑則御製據示兒編則摘句者太宗也山谷特書以自警耳太和石刻惜久不存不審有御製字樣否

張桓侯廟碑

高五尺一寸廣二尺五寸前後共廿三行行字不齊字徑四分正書在武岡

勅賜桓侯雄威廟記八字橫列字徑一寸八分

安國忠顯英烈廣惠助順大王十二字亦橫列字徑寸許在上刻之下

史傳文不錄

古者瑰奇之士雄偉之才其剛方正直勇猛忠毅所以心庇民者生死以之古今一也昔先主擁坤維之勝抗吳拒魏于蜀中所以左右翼從者時有三傑諸葛孔明關雲長與今忠顯王張益德也王行事□□□惟是英靈千載至今不泯蜀人欽戴尤盛闢涪陵之樂溫廟宇屹然邑之水旱祈禱者無不應兵之往來欽崇者無不佑故蜀人瞻仰愈久而愈不斅其大者至於出靈響耀威神國家凡掃除寇盜征討蠻夷莫不借風雲以爲力麥草木以爲人所向無敵

立聞旋凱故自蜀相侯追封肅濟侯武烈公終享王爵死而不朽久而益彰何其盛哉成竊意

王昔披堅執銳躍馬大呼遇事輒發之時是必忠貫日月氣□虹霓許國以義視敵無人誠姦雄興社稷而後已故其彊國之心庇民之心不知昔之爲生今之爲死不因形而存不因死而亡亘古今窮天地其精爽則一况當時雄畧大志所展未尽天不佑漢哲人遽萎宜其蘊蓄奮發有侈於後也叔世道衰肉食者衆矣生猶有

負國者况死而彊國生猶有害民者況死而庇民聞生之風烈得不凜凜然羞縮愧成□侍家

府龍圖避難涪□寄館梁山之剉親維舟岸下

俾成掌之屢造廟庭獲瞻威像風濤之久紛擾

之際遂發誠心命工刊石且序其後嗚呼王

之忠勤克傳千古臨終之事當備書琰琬紹興

三年歲在癸丑仲秋月旦日右承事郎張成

序

嘗聞盛德必百世祀又云人本乎祖信知本乎祖而祀百世者其所由來者遠矣舒氏乃唐時舒

元興相裔其後八世孫舒巖夫歷任澧州軍事說  
服五溪遂家于沅芷安江又天聖八年分派請社  
湖南遂家于武攸油陂之地子孫蕃衍盛大所祀  
祖曰張侯廟者自蜀傳來香火也侯生於蜀爲漢  
大將軍西鄉侯謚曰桓侯亘古至今祀也今重樹  
石碑標題古記成遂作序讚於碑後以誌將祭惟

尊祖敬空念誦神祇祖考安業空在宮在廟  
其先空冤魄空不忘於是間也空十  
二格頌空五  
格讚

下空

惟神姓張名飛者字其益德爲忠爲蜀主之臣勇捍魏

王之士揚威沙漠中孚百戰之功爲世蕃宣大有万人  
之敵名彰三國說服五溪生則侯封死居廣享白昼望  
之如在馬馬階前清晨依之若存人瞻□□□□者雄  
威莫測投之者猛烈維揚夏消不雨之灾秋示反風之  
應休垂後裔忠顯□福佑 皇家決勝千里榮膺終享  
王爵寵錫振大將軍昭當年元有□□□□□□□□  
復□□標題古記重刊石立碑新祖□□一門則知神  
有韜畧流芳百世使知神有英靈□居□代子孫□後  
奉千万□香今崇寫就碑文賦成序讚

旨大德四年庚子歲閏餘秋仲月旦日鄉教祭拜孫舒

寶成讚 舒光預書 舒□□敬立

在武岡洞口圍油陂宋紹興三年右丞事郎張成撰  
元大德四年舒寶成重刻碑凡二十三行前載桓侯  
傳次載張成撰桓侯廟碑末載寶成自作讚序成記  
頗明寶成序讚俚拙不錄碑額書雄威廟又稱桓侯  
爲安國忠顯英烈廣惠助順大王當是宋時所賜記  
文又稱蜀時追封桓侯爲肅濟侯武烈公蓋五季時  
也寶慶府志

右張桓侯廟碑在武岡碑爲鑾人舒氏所立文字  
均無足取惟所載張成一序尙屬南宋初刻於涪

陵者涪碑不可復見錄之以存其跋序云臨終之事當備書炎琬而此碑無之蓋重刊時去之矣桓作桓猶存宋舊舒巖夫任澧州軍事不見於湖南通志惜莫攷其時代難以據補大約在宋初也武岡本都梁靖省入邵陵後復置曰武攸唐貞觀年改武岡自後未嘗復稱武攸此稱武攸殆沿用古名耶油陂名今時猶存舒氏世祀桓侯蠻人憎服之心雖千載猶極敬畏其威望有如此者乃近來屠沽之輩奉桓侯爲神亦甚誣妄矣

登采山題刻二段

桂在臨

似燥等題名

高二尺八寸廣一尺三寸四行行六字五字字長徑四寸餘篆書左行

侶燥景淵令升少隱公敬同來

紹興五年閏二月初

十日

案文載小傳云李彌大紹興六年知靜江府易棲霞洞名曰仙李其客尹楷爲之銘是楷之來桂主於彌大而彌大知靜江在五年也

廣西通志

李彌大字似矩宋史有傳試戶部尚書忤旨奪職歸起知靜江府奏廣西邊防利害入爲工部尚書陳充字景淵時爲轉運副使董弁字令升時爲提點刑獄廣西通志誤作令叔趙子巖字少隱時爲

轉運判官閨廣西通志誤作潤

詹儀之題名

高二尺廣二尺四寸六分行行  
六字字徑二寸五分正書

淳熙戊戌春分日桐廬詹儀之

仁與僚屬來遊王徐  
之

登叟王俊仲珪周邦弼直卿鄭鄧夢授

詹儀之金石志職官淳熙二年知靜江府十二年再任案儀之隱山題名淳熙五年曾爲漕司又陳曉水月洞題名儀之後嘗爲桂帥也宋史有詹體仁字元善浦城人亦官於桂鄭鄧乾道間靜江府司法參軍見職官志宋詩紀事鄭鄧夢建安人陝西通志載張演跋其詩云建安先生得句於石湖早以文章名世

當卽此人誤以夢字連名稱耳又嶺外代答載淳熙

乙未閏兩見於融州鄭隕夢爲融教官日見而言之  
鄭作隕或傳寫之誤而亦連夢字稱去非同時人不

應誤

祥案疑此拓未全  
或已爲人磨去

備錄俟考

廣西通志

涪州北崖石刻七種

在涪州

伊川祠記

高三尺廣一尺九寸廿行行卅字字徑七  
分正書篆額題伊川先生祠堂記九字橫  
列

伊川先生祠堂記

昔韓文公謫潮陽其後潮人祠之俎豆之事歲時不絕  
益重其道則尊其人也

伊川先生程公

頤蚤以道鳴傳

孔孟之業於百世之下毅然特立於一時在熙甯元豐  
闡隱於伊洛杜門不求仕雖退而處窮確守所學不徇  
時以變元祐初溫申二公立朝思得一代之真儒如甘  
盤之數傳說之誨以啓迪聖學乃從天下之望交

章薦

先生于朝

上累

詔趨召辭不獲

命起自布衣入侍

講筵

先生以堯舜事

其

君惓々敷納忠言正論

日以警悟

天聰

天子禮之是崇是信紹聖中指爲元祐黨乃謫于涪  
因寓北巖之梵宇先生身雖窮而道益通矣廼以

平日自得於易者著爲傳豫章黃公

鑒

傍其堂曰鈞深

迨今凡四十年矣巴峽地連西蜀文物風化豈潮陽荒陋之比然四十年間寂无追奉先生而祠之者峽

之俗尙鬼而多淫祀獨於事前賢往哲之禮闕而不講

官於此者亦未嘗過而問焉烏辱異哉紹興五年果山

李公瞻來守茲土尊道貴德以崇名教勵風俗爲先因

訪先生遺跡憫古風之淪替悼後學之茫昧迺審厥

象以置祠于鈎深堂之上儉而不侈質而不華俾學者

瞻仰德容洋洋乎如在其上誦其遺書佩其遺訓知前

言往行所以扶翼先聖萬世之教者寔在於先生不

猶愈於以有若似聖人而事之乎工既畢乃擇季冬

日以禮寅奉而安之庶無愧於潮人之事韓公也命彥時記其略以載歲月其何敢辭紹興五年十二月十五日滎陽曹彥時記

河汾王冠朝書

右承宣郎涪州軍事判官雒陽張振孫立石

右宣教郎 奏差知涪陵縣事主管勸農公事閻

中陳莘篆蓋

按明統志鉤深堂在涪州卽伊川註易之所正堂  
二室中以奉伊川左祠待制尹焞右祠直閣謙定  
劉光祖作記蓋在此記之後也讀此記知鉤深之

額爲涪翁所題矣

王庶詩

高四尺二寸廣二尺四寸八行行十字字徑三寸餘正書

游北嵒

慶陽王庶

衰病飄零心久灰扁舟艤棹北巖隈江連白帝浮空下  
山背青城出効來三戶亡秦期可必八公助順勢將回  
老臣願獻空

中興頌漢武周宣何遠

王庶史有傳字子尙慶陽人紹興五年知興元府  
利夔路制置使陞徽猷閣直學士有讒之者徙知

成都改嘉州此後未再入蜀因次紹興五年

程遇孫詩

高一尺二寸廣一尺八寸十七行行十四字字徑五分許正書

□□庚午春之七日前成都通川陵陽程遇孫

艤東去之舟於涪陵岸下

太守謝朱卿以踏磧故事招飲北巖謁

伊川先生像于鈎深堂敬賦古詩一章刻諸巖

石

春風吹客舟沙際初倚柁懷人愛其屋木杪危若墮欣從太守遊江色清照坐當年紹述議洛黨亦奔播時人欲殺翁甘此采薇餓流離終愛君怨語無騷半寥寥十

翼後學易孰無過諸儒踐陳迹如蟻困旋磨巖棲獨釣  
深混沌与鑿破書成置篋中山鬼嚴夜邇向來新說行  
六籍乃生禍氣埃滿神州久被犬羊涴何如北巖石樵  
牧不敢唾詩寒不成章聊爲茲石賀

紀元存末筆一捺蓋嘉定三年也

智公龕題字

高二尺六寸廣一尺一行九字字徑三寸左右各一行行六字字徑寸餘並正

書

前住持智公山主之龕

淳祐癸卯中秋

住山師誼謹立

朱子與周卿書

高一尺二寸廣二尺六寸十八行行字不一字徑六七分又三行較小均

草書

十月十六日烹頓首去歲□河幸辱遠訪得遂少欵爲慰、次客舍□別忽、期年又兩三閏月矣不審何日得遂舊隱官期尙幾何時比來爲况何如讀書探道亦頗有新功否邪歲月易得家理難明但於日用之間隨時隨處提撕此心勿令放逸而於其中隨事視理講求思索沈潛反復庶於聖賢之教漸有默相契處則自然易得天道性命真不外乎此身而吾之所謂學者舍是無有別用力處矣相望數千里奚由再會一日□書□筆不覺縷；切勿爲外人道也此書附建昌包生去渠

云自曾相識且欲求一致公書不知果有□否刻舟求  
劍似亦可笑然亦可試爲物色也所欲言者非書可盡  
燈下日昏萬、不宣 熹再拜

周卿教授學士賢友

□溪大字後事處會訪同得否 去歲同建陽後方  
得□此 所惠書并書橐策問所需□□又何敢復  
告邪 熹

碑無紀年提撕此心二語寄性善帖書中述及之  
因卽次於其前

黃應□寄性善帖書

高一尺三寸廣一尺七寸半廿行行十六字至十九字字徑五

首行猥蒙性善教迪嘗惠以墨本俾爲步趨□模狹難  
以來幸得寶藏亡恙蓋嘗合二者之書而竊窺

考亭所以爲訓之旨矣在蓮蕩一則曰別後進學如何  
二則曰家居爲學所進復如何三則曰比來所進如何  
三書拳々不過問進學一語最是第一書持敬二字實  
爲聖門傳心之要而性善一書尤爲委折詳盡大率謂  
天道性命不外於吾身而心者又身之主其曰提撕此  
心勿令放逸卽蓮蕩書中所謂持敬工夫者也  
考亭所以貽書二考者辭雖異而旨則同至哉斯言非

後學進道入德之標進而所當以前脩之汲、於講麼  
進學者加勉邪悵二老之云亡仰

考亭之逾邈每一撫遺墨益以內自警省因

使君以蓮蕩之帖寄之謹復摹性善之帖以告

蓋蓮蕩

三書

空下

考亭之辭及性善者二性善既以同刊之家□則性善  
一書亦可同刊之北巖書院庶可示學者以前脩師友  
淵源之所自云湻祐章茂歲元月重陽日後學合陽黃

應

太歲在庚曰上章在戊曰闡茂此題章茂是湻祐

十年庚戌也

殘詩刻

高一尺三寸廣三寸五寸十七行  
行十字十一字字徑寸許行書

諸公計未決朝忘其事夕失功詎可因循守常法人心

感處是天心至誠解使金石裂形勢不宜久冷落鼓作

須及人情熱每憂姦雄乘風塵它日未易傾巢穴人才

政事所急者世間伊呂何常乏況如耿賈郭李輩馬後

車前誰識別黃茅搖寒鳩不飛鬼洞蠻虛新過雪行矣

強飯莫飲酒偷閑讀書備施設一官皆可行其義勿學

庸人苟歲月蹄涔之水無鯢鯨鸞鳳甯肯爭雞褐

吾皇駐趣浙江西努力朝宗致忠烈星馳電走見相

詩刻未全當是南渡初作茲附宋末

大用菴銘

高四尺八寸五分廣二尺三寸十五行行三十三字字徑七分行書隸額題大用菴銘四字在鄞縣

廓然之宗空而不空智游方外妙入環中環中湛存用之不痕揔造化柄見離微根窮極離微元樞活機河橫澹蕩斗轉依稀依稀成用用與體共象未中形功初內動動而影彰靜而智藏光容天地兆變陰陽陰陽變兆用得之要春在百花風號万簌叢叢中虛雖有而無聲不礙器色不染珠珠兮走盤不見其端壁立千仞赤肉一團一團赤肉應緣具足像兮臨鑑神兮居谷谷神是

誰靈靈自知說用如鼻眺用如眉用之

立

換

寄

世而玩

彈拍開門相招隔岸相招拈却木橋等閑一喚適

用全超超用較

些

相逢作家雨雲翻覆雪刃交加交加

不傷用純愈光拍拍是令人人當行當行往

還用

亡險

艱如石含玉似地擎山山畜海藏規圓矩方頭頭得用

恰恰相當

相當函蓋

混成

三昧宛轉機圓縱橫用大大

用現前不存軌則推倒藩籬東西南北

南北

東西

歸去

來去

混

之不得類之不齊隨類而游閑閑自由天上天

下雲行水流四明

天童山芯菊正覺述

普覺圓照大師曇讚戒行清苦築庵於義烏之

僊山子爲

名曰

大用久欲

作銘

而未果紹興九

年予守四明與天童老款偶縱談及此以銘

屬

之覺欣然不辭

其筆力痛快殆與信心銘相爲

後先明年秋九月已未始授讚俾鐫之石左朝

散郎充徽猷閣待制提舉亳州明道宮潘良貴

書

門人慧暉立石

鐫者陳璋男曠

按正覺姓李氏陽州人主泗州普照建炎間主天童  
寺僧不滿二百覺納衆千二百人所著語錄行於世  
其文麗則如洞下宗旨詔諭宏智禪師潘良貴字義

榮又字子賤金華人以上舍釋褐爲博士遷祕書郎  
欽宗時以言事黜監信州召爲左司諫改除工部以  
不得其言求去主管明道宮越數年除考功郎知嚴  
州未幾請祠起爲中書舍人以修撰提舉太平觀起  
知明州除待制提舉明道宮有雜著十五卷朱子爲  
序極推重之兩浙金石志

僧子宜塔記

高九寸廣一尺一寸九行行六  
字字徑五分餘正書在梁至

崇教下□第□代住持僧子宜塔僧臘三十二歲化年  
五十七於紹興十年二月九日圓寂辛酉年十月十九

甲申日歸塔小師僧惠

翠微亭韓世忠題名

高一尺六寸廣一尺二寸八行行  
六字字徑二寸餘正書在錢塘

紹興十二年清涼居士韓世忠因過靈隱登覽形勝得  
舊基建新亭榜名翠微以爲游息之所待好事者三月

五日男彥直書

趙夔遂縣題詩

高一尺五寸廣一尺六寸九行行  
字不一字徑寸餘行書在遂甯

道過遂縣泊舟瞻

大像有作

前榮南守趙夔

成佛經千祀鐫崖已一章

借云十九年矣漢  
元十九年爲一章

爲憐塵世

病故作大醫王黃面無苔蘚青螺耐雪霜灑聲門外轉

萬古闖舟航

紹興甲子八月八日

余先得趙夔穿雲巖詩此刻尚在前十年